


AVANNAATA KOMMUNIA



TAPIISARNERMUT ILEQQOREQQUSAQ

Kalaallisut

2023

§ 1: Siunertaq:

- Peqatigiiffiit tamaasa aamma kulturikkut aaqqissuussat angalanermut aningaasartuutitut tapiissuteqarfiginerisigut aamma ininik attartornermut silamilu ingerlatsinerit tapersersornissaat.
- Avannaata Kommuniiani najukkami kulturikkut aaqqissuussat tapersersussallugit.
- Uannga ileqqoreqqusamik tunngaveqartumik tapiiffigineqassagaanni Avannaata Kommuniiani najungaqartuunissaq piunasaqaataavoq.

§ 2: Inatsisit tunngavigineqartut:

- Kulturikkut ingerlatsineq sunngiffimmilu sammisassaqtitsineq pillugit Inatsisartut Inatsisaat nr. 5, 6. juni 2016-imeersoq
- Timersorneq timigissarnerlu pillugit Inatsisartut Inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq

§ 3: Peqatigiiffimmut tapiissutinik tunineqarnermi piunasaqaatit:

Imm.1: Piorsarsimassutsikkut ingerlatsineq sunngiffimmilu sammisassaqtitsineq pillugit Inatsisartut Inatsisaat nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq naapertorlugu anguniagassaasut allassimasut peqatigiiffiup naammassisimassavai.

Imm.2: Pilersitsinertalimmik ataatsimeersuartitsoqareersimassaaq.

- Peqatigiiffik minnerpaamik qulinik ilaasortaqaarnissa, saniatugut tapersersuisussanik peqassallutik.
- Peqatigiiffiup ileqqoreqqusaani aalajangersakkat naapertorlugit ataatsimeersuartoqassaaq.
- Ileqqoreqqusaaq naapertorlugu siulersuisuni ilaasortassanik qinersinerit ingerlanneqassapput.

Imm.3: Peqatigiiffik Avannaata Kommuniiani angerlarsimaffeqassaaq.

Imm.4: Ukiut tamaasa naatsorsuutit akuerineqarsimasut kommunimut tunniunneqartassapput najukkami Peqqinneq Sunngiffimmilu aqutsisuusumut.

- Ilaasortat amerlassusaat, ilaasortaanermut akiliutissaq, pigisat aningaasallu uninngasuutit naatsorsuutini allassimassapput.
- Akiittut ilanngullgit allassimasassapput kiisalu pigisat nalillit

- Ataatsimeersuarnermi kukkunerisuiusussatut toqqarneqartumit naatsorsuutit kukkunerisiorneqassapput. Kukkunerisuiusut akuerisaat.

Imm.5: Ukiup tullissaanut sammisassanut pilersaarut najukkami Peqqinneq Sunngiffimmullu kingusinnerpaamik 31. Januar nassiunneqarsimassaaq.

Ersarissaaneq unammiartoqassappat imaluunniit angalasoqassappat nalunaarusiornissaq, taamatutaaq sutitsisoqartussaappat anertuumik.

Imm.6: Angalanernut tapiissuteqartarnek, namminerisamik umiatsiamik ingerlanneqarpata akuersissummik angallassinissamut peqartariaqarpoq, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissutit tunniunneqassapput, soorlu makkuusunik, VHF raatiu, GPS, ajunaalernermi qummoroortaat kalerrisaarutit, annanniutit atisartakkat ilaasunut tamanut aamma umiatsiaq/pullattagaq aquuterallalik. Kiisalu angalaniarnermi pinngitsoorani ingiaqateqarnissaq qulakkeerneqassaaq. Aammalu meeqqat pinerullugit angajooqqaat ilisimatinneqartassasut atsiortillugillu.

- 6.a Umiatsianik attartornermi piumasagaatit isumaqatigiissutillu isumannaarneqarsimassapput.
- 6.b Namminerisamik snecooterinik angalaneq angerlanneqassappat, angalasoq (Angallassisooq) isumannaallisaaneq eqqarsaatigalgu satellitsikkut oqarasuaammik imaluunniit SMS-kkut nassitsisinniassumik peqassaaq.
- 6.c Innersuussutigineqarpoq angallasisinnaanermut akuerisaasumik attartornissaq.
 - o KNAPK-ip SQAPK-iilu akigitai atorneqassapput aammali akikinnermik neqeroorisiorneqarsinnaavoq.
 - o Attartornermut isumaqatigiissuteqartoqarsimassaaq.

Una peqatigiiffinnut tapiisarnermi ileqqoreqqusaq naapertorlugu kattuffinnut tapiisoqarsinnaanngilaq.

§ 4: Taperneqarnissamut qinnuteqaatit piumasagaatitai:

- **Qinnuteqarnermi immersugassaq: ”Avannaata Kommunianit tapiiffigineqarnissamut qinnuteqaat”.**

Imm.1: Qinnuteqarnermi siunertaq qinnuteqaatigineqartoq pillugu paasissutissanik, angalanermut aningaasartuutit takussutissartaannik aamma aningaasat tapiissutigineqartussatut qinnutigineqartut amerlassusiinik imaqartinneqassaaq. Qinnuteqarnermi angalanissaq minnerpaamik ullut 10-it iluani tunniunneqareersimassaaq.

Imm.2: Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput

Imm.3: Peqatigiiffiit peqatigiiffinnik allanik suleqateqarlutik angalatitsinissatik eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput

Imm. 4: Suliamik suliarinninnissaq aallartissaaq paasissutissat tamaasa kommunimi immikkoortortaqarfimmu Peqqinneq Sunngiffillu-mut tunniunneqarpata. Qinnuteqarnissamut piffissaliussaqaq malinneqanngippat peqatigiiffik qinnuteqaamminik itigartitaasinnaavoq.

Imm. 5: Aaqqissuussanut taperneqartussanut kingumoortumik qinnuteqartoqarsinnaanngilaq.

§ 5: Tapiissutinik atuisimanermut uppersaati:

Imm.1: Avannaata Kommunanut angalasimanermut nalunaarusiat naatsorsuutinik ilalik sammisaqartitsinerup kingorna kingusinnerpaamik qaammatit marluk qaangiutsinnagit kommunimi Peqqinneq Sunngiffillu-mut tunniunneqareersimassapput, sulit tunniunneqarsimangippata tungavilersuilluni nalunaarusiortoqssaaq.

Imm.2: Tapiiffigineqarnissamut qinnuteqaammi anguniakkatut allassimasut naapertorlugit tapiissutit tamarniusut imaluunniit ilaannakortumik atorineqarsimassanngikkunik tapiissutit atunngitsuukkat Avannaata Kommunanut utertinneqassapput.

- Atunngitsuukkat utertinneqanngippata nutaamik qinnuteqaasiornermi itigartitsisoqassaaq atunngitsuukkat peqatigiiffimmiit Avannaata Kommunanut utertinissaata tungaanut.

§ 6: Aningaasaliissutinut sinaakkusiussat:

Imm.1: Kommunalbestyrelsi missingersuutit suliarineqarnerini ukiumoortumik aningaasat tapiissutissat amerlassusaat aalajangersartassavai.

Imm.2: Kommunimi najugaqarfinni tamani innuttaasut najugallit amerlassusaat malillugit tapiissutit amerlassusilersorneqartassapput aamma agguarneqartassapput.

Imm.3: Peqatigiiffiup CVR-nr-ssani, Akileraartarnermut pisortaqarfimmu, Namminersorlutik Oqartussaniittumut peqatigiiffiup pissarsiarereernerani, aallartisarneranut 1.000 koruunit tungaanut tapiissuteqartoqarsinnaavoq, kiisalu peqatigiiffiup Bankkonto pingineqarnissaa.

Imm.4: Peqatigiiffik pisortatigoortumik nuna tamakkerlugu unammersuarnermik aaqqissuisoq 40.000 koruunit tikillugit aaqqissuussamut ataatsimut tapiiffigineqarsinnaavoq, taakku ullormusiaqartitsinermut imaluunniit inunnut ajunngitsorsiassatut atorineqaaqusaanngillat. Tapiissutit 40.000 kr.-it atornerinut nassuiaat, aaqqissuussinerup ingerlanneqarnerata kingorna kingusinnerpaamik qaammatip ataatsip qaanngiunnerani nassiunneqassaaq.

- Kommunimi immikkoortorta qarfirmut Peqqinneq Sunngiffillu utertinneqarnissaannik piunasaqarsinnaavoq, tapiissutinik atornerluisoqarsimappat.

Imm.5: Aaqqissuussat pereersut tapiissuteqarfigineqarsinnaanngillat.

Imm.6: Peqatigiiffiit Avannaata Kommunianut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7: Timersornermik siunertallit tapiissuteqarfigineqartarneri:

Imm.1: Peqataasunut Avannaata Kommuniani najugalinnut immikkut timersuummut ataatsimut (pr. sportgren) angalanermut aningaasartuutitut tapiissuteqartoqarsinnaavoq, makkunani peqataasussanut:

- 60 %-mik angalanermut aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Immikkut Qaanaaq illoqarfia avinngarusimanera isigalugu 80% angalanermut aningaasanik tapiisoqartassaaq. Uani erseqqissaataavoq Timersoqatigiiffik sumut ilaasortaanera apequtaalluni nalilersorneqartassamat 80 %-mik tapernissaanut tungatillugu.
- Meeqqanut 18-it ataallugit ukiullit Cup-imik kiisalu unammiaartitsinernut 75%-imik tapiisoqarsinnaavoq.
- Kattuffiit aaqqissuussarinngisaannut peqataanerni angalanerni aningaasartuutitut 25 %-mik tapiisoqarsinnaavoq.
- Nunani avannarlerni meeqqanut inuusuttuaqqanullu 18-it inorlugit ukiulinnut ukiumut angalanerq timersoqatigiiffimmi timersuummut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarnertut, tamatumani hold-inut arlariinnut unammisoqassalluni. Assersuut: Danmark Mesterskab peqataanermut.
- Nunanut allanut angalalluni sungiusariarnernut tapiissuteqartoqarneq ajorpoq.
- Utoqqaat innarluutillullu timersornermik atuineranni aningaasartuutissat tamarmik 100%-mik matussuserneqartassapput. Fitness, timigissartarfiit / Motion, timersortarfinnilu atuinermi.
- Utoqqaat suliunnaarnersiutillillu peqatigiiffii nunarput tamakkerlugu unammersuaarnissaannut angalanermut 60%-mik taperneqarsinnaavoq.

Imm.2: Avannaata kommuniani pissartanngorniunnerni hold-i ataaseq annerpaamik 40%-imik angalanermut taperneqarsinnaavoq.

Imm.3: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atortunik attartornermut, ukiumoortumik Fodboldskolemut aamma Håndboldskole-mut Tae Kwon Do-mut Kidsvolley-imut Arctic Sports- imullu ilinniartitsinernilu taakkunani atortunut, aningaasartuutit tamarmiusut 100 %-mik matussuserneqartassapput.

Imm.4: Kommunep timersortarfiutaani illup iluani silamilu inuusuttut 18-it inorlugit ukiullit timersornermik anguniagallit, sammisaqartinneqarnerini atortunik attartornermut aningaasartuutit ukiumoortumik akuerineqartut malillugit "Kommunemi Akigitat" atorlugit matussuserneqartassapput.

Imm.5: Nammineq pigisumi Uummannami inuusuttut 18-it inorlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 100 %-ii matussuserneqartassapput.

Imm.5a: Nammineq pigisumi Uummannami timersortarfinni timersoqatigiiffiit sammisaqartinneqarnerini inersuarmi attartornermut aningaasartuutit 90 %-ii matussuserneqartassapput.

Imm.6: Timersortarfinni tamani illup iluani silamilu meeqqat 17-it tikillugit ukiullit timersornermik sammisaqartinneqarnerini atortunik attartornermut aningaasartuutit ukiumoortumik akuerineqartut malillugit "Kommunemi Akigitat" atorlugit matussuserneqartassapput.

- Inersuarmik timersornermut atuineq akeqanngilaq.

Imm. 7: Ukioq timersorfiusoq naapertorlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, timersuummi ataatsimi sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq timersorfiusoq septemberimiit maj/junimut sungiusaasutut ingerlatsisimanermut uppernarsaat, tapiissuteqarfigineqarnissamik qinnuteqaammut ilanngullugu peqatigiiffiit timersoqatigiiffillu siulersuisuniik nassiunneqassaaq, meeqqanik sungiusaasuunermi meeqqanik pinerliisimanginnermut uppernarsaat ilanngullugu.

Imm. 8: AWG-imi, Inuit Games-ini aamma Island Games-ini assigisaanillu peqataanermi, Avannaata Kommuniani najugaqartumut Nuna tamakkerlugu holdikkaarluni unamminermi peqataasumut ataatsimut kaasarfimmiunik 1.000,- kr.-inik tapiissuteqartoqarsinnaavoq.

Imm. 9: Illoqarfinni "Ukiup Timersullammaatut nersornaasiineq" annerpaamik 3.000,- kr.-nik aningaasartaqartassaaq. Timersorerullu iluani nersornaasiinernut allanut inummut ataatsimut inoqarfinnilu tamani nunaqarfiit ilanngullugit annerpaamik 1.000,- kr.-nik aningaasartaqartassapput.

Timersullammak imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarnermi ingerlanneqartassapput

- Timersullammammik toqqaanissamat komitemik pilersitsisoqassooq. Komitemi ilaasortassapput inuit tallimat, taakkuussallutillu timersoqatigiiffiit innersuussaaniq toqqaasussat. Toqqaasussat timersoqatigiiffinniik innersuunneqarsimasut maleruaqqusat malillugit innersuunneqarsimasut piukkunnarnersiorlugit. Komitemi makkunanga inuttaqartumit:
- Timersortarfimmi pisortaq
- Najukkami ataatsimiititaliamit aallartitaq
- Najukkamik ataatsimiititaliamit aallartitaq
- Ukiut ingerlanerani piffimmi timersullammammut toqqagaanikoq
- Ukiut ingerlanerani piffimmi timersullammammut toqqagaanikoq
- Timersoqatigiiffimiik aallartitaq ataaseq (Toqqagaq)

Nersornaasiineq imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarnermi ingerlanneqartassapput.

Imm. 10: Avannaata Kommuniiani ”Ukiup Timersullammaatut nersornaasiineq” annerpaamik 5.000,- kr.-nik aningaasartaqartassaaq, timersornerullu iluani sumiiffigisaminni innuttaasunut sunniuteqarluartumik suliniuteqartunut tunniunneqartassalluni.

- Avannaata Kommuniiani “Ukiup Timersullammaatut nersornaasiineq” innersuussutit timersoqatigiiffinnut innuttaasunullu tamanut kina “Ukiup Timersullammaatut nersornaasiineq”-qassanersoq siunnersuutinik tunniussereersimasassapput 1.december nallertinnagu illoqarfinni sumiiffigisani immikkoortortamat “Peqqinneq Sunngiffillu”-mut.
- Toqqaaniarnermi sumiiffinnit komité-t tunngavilersorluakkamik inummik ataatsimik innersuussinerisigut toqqaasoqartassaaq. Komité-t 15. December nallertinnagu innersuussereersimasassapput.
- “Ukiup Timersullammaatut nersornaasiineq”-mi Komite-mi toqqaasassapput; Politikikkut qinikkat sinnerlugu Borgmester, Peqqinneq Sunngiffimmilu aqutsisut.

Imm.11: Timersoqatigiiffiit peqatigiiffiit tapiiffigineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Imm.12: Timersoqatigiiffiit 18 inorlugit ukiulinnut sungiusartartunut sungiusaasut ukioq timersorfik aallartinnginnerani ukiut tamaasa (sæson) meeqqanut pinerluuteqarsimannginnermik uppersaammik Peqqinneq Sunngiffimmillu tunniussisassaaq.

- 12.a, Ukioq sungiusarfiusumut børneattest 1. Januar aammalu 31.december atuutitsineqartassaaq. Ukiullu tamaasa nutarterneqartassalluni.

§ 8: Kulturikkut aaqqissuussat tapiissuteqarfigineqartarneri:

Imm.1: Peqatigiiffiit § 3-mi piumasaqaatinik naammassinnittut angalanerisa aningaasartuutaannut 60%-mik tapiissuteqartoqarsinnaavoq. Immikkut Qaanaaq illoqarfia avinngarusimanera isigalugu 80% angalanermut aningaasanik tapiissuteqartoqarsinnaavoq. Aamma Avannaata Kommuniani sumiiffinni makkunanga aaqqissuusinerit:

1. Innuttaasunik paasititsiniaaneq, soorlu assersuutigalugu kulturi timersornerlu pillugit paasititsiniaanerit.
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit.
3. Najukkami peqatigiiffiit ataatsimoorussamik siunertallit.
4. Isiginnaartitsinerit, erinarsornerit aamma nipilersornerit.
5. Filmertitsinerit aamma videortitsinerit.
6. Nipilersukkanik aammalu video-lianik saqqummersitsinerit

Imm. Nipilersukkanik video-lianik saqqummiinissamut qinnuteqartarnek maaji 15-ianut qinnuteqartarnek killeqarpoq. Upernaakkut qinnuteqartoqarsimanngippat piriarfissaqarpoq Septemberip 15-ianut qinnuteqarnissamut. Qinnuteqarnermi annerpaamik 20.000,- kr. tapiisoqarsinnaavoq. Immiussinerimi tapiissutit atortut amigaatinut atungassiatut qinnuteqaatigineqarsinnaanngillat.

Qinnuteqaatit komitemiit aalajangiiffigineqartassapput, komite ukkunanga inuttaqartinneqartassaaq

- Avannaata Kommunianit Peqqinneq Sunngifillu-miit aallartitaq
- Kulturikkut attuumassuteqartut peqatigiiffinniit ataaseq aallartitaq

Imm.2: Angalanerit aningaasartuutaasa affai tapiissuteqarfigineqarsinnaapput – taamaattoq Avannaata Kommuniani nipilersortartut erinarsortartullu Avannaata Kommuniata avataani kulturip ineriartortinneqarneranik suliaqarnermik ilaqassappata amerlanerpaamik 15.000 koruunit angullugit siumut utimullu angalanissanut tapiisoqarsinnaalluni.

Imm. 3: “Kulturikkut sunniuteqarluarsimasumut nersornaat” (Kulturikkut suliniarluarsimasumut kajumissaat) Kiisalu (Inuusuttumut kulturikkut malunnaataalluarsimasumut kajumissaat) Inuiattut ullorsiornermi ulloq 21. Juni nersorinnissutit pingasut tunniunneqartartussat annerpaamik immikkut 1000,- kr. Aningaasartaqartassapput, illoqarfinni nunaqarfinnilu tamani immikkut tamarmik. “Ukiumi Kulturikkut nersornaammik” nersornaaserneqartut kajumissaaserneqartullu toqqarneqartassapput komitemit makkunanga inuttaqartinneqartumit, kommunimi

immikkoortortaqarfimut Peqqinneq Sunngiffillu illoqarfinni nunaqarfinnilu tamani kulturikkut peqatigiiffinnit tamanit sinniisunit. Komite maaji qaammat naatinnagu toqqaareersimassaaq.

Imm. 4: Angalanernut aningaasartuutitut Qimussimik Kalaallit Nunaanni pissartanngorniunnermut, Kulturikkut siunertanut ukiumoortumik illoqarfimmut atugassiissutigineqartut annerpaamik pingajoraarterutaat, 33%, tapiissutigineqarsinnaapput, taassumalu nunaqarfiinut tapiissutit ukiumoortumik Kulturikkut siunertalinnut.

Imm. 5: Ukioq sammisassaqtitsiviusoq tamakkerlugu meeqqanut inuusuttuaqqanullu 17-it tikillugit ukiulinnut piorsarsimassutsikkut sammisassaqtitsisutut ingerlatsisimagaanni, sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq sammisassaqtitsiviusoq septemberimiit maj/junimut sammisassaqtitsisutut ingerlatsisimanernut uppernarsaat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq.

Imm.6: Peqatigiiffiit tapiiffigineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Imm.6.1: Kulturikkut sammisassaqtuni 18 inorlugit ukiulinnut sungiusartartunut sungiusaasut ukioq piorsarsimassutsikkut suliaqartut aallartinnginnerani ukiut tamaasa (sæson) meeqqanut pinerluuteqarsimanginnermik uppernarsaammik Peqqinneq Sunngiffimillu tunniussisassaaq.

Imm 7: Kommunip aningaasaliissutigisimasaasa takussutissartaat naatsorsuutit suliarineqarneranni ilanngullugu takusassiarineqartassapput.

Imm. 8: Avannaata Kommuniani immikkut suliaqartunut – ilinniartunut “Nersornaasiinermi” angusarnermermi takussutissamik tunniussineq. Assersuutigalugu najugaq qimmannagu ilinniarnertuunngorniarmimmi ilinniarneq angusarissaarnermi nersornaasiinerit.

§ 9: Akuersisinnaatitaasut:

Imm.1: Qinnuteqaammi aningaasat 100.000 koruunit inorlugit aningaasartallit najukkami Peqqinneq Sunngiffik-imilu aqutsisuusunut aalajangigassanngortillugit nassiunneqartassapput.

Imm.2: Qinnuteqaammi aningaasat 250.000 koruunit inorlugit aningaasartallit Peqqinneq Sunngiffimilu ataqatigiissaarisumut aalajangigassanngortillugit nassiunneqartassapput.

Imm. 3: Qinnuteqaammi aningaasat 250.000 koruunit sinnerlugit aningaasartallit Oqartussaaqataanermut Ataatsimiititaliamit aalangiiffigineqartussanngorlugit nassiunneqartassapput.

Imm. 4: Kommunimi immikkoortortaqarfiup Peqqinneq Sunngiffillu pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 5: Qulaani aalajangersakkat Avannaata Kommuniyani kommunalbestyrelsimut naammagittaalliutigineqarsinnapput.


§ 10: Tusarniaasarnerit:

Imm. 1: Tapiisarnermi ileqqoreqqusaq una ukiut tamaasa augustimi peqatigiiffinnut tamanut sumiiffinni tamaniittunut tusarniutigineqartassaaq.


Imm. 2: Tapiisarnermi ileqqoreqqusaq una pillugu tusarniaaneq septemberimi peqatiiffinnik aggersaalluni isumasioqatigiisitsinikkut aamma ingerlanneqartassaaq.

Inerisaanermut Ataatsimiititalianik akuerineqarpoq ulloq: 3.november 2022

Siulittaasoq Lena R. Davidsen



Avannaata Kommuniyani Kommunalborgstyrelsimut akuerineqarpoq ulloq: 25.november 2022



Borgmesteri Palle Jerimiassen